



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SU Consillu COMUNALI N. 05 DE SU 17/02/2023

OGETU: *DELIBERATZIONI C.C. N. 16 DE SU 11.03.2022: REGULAMENTU PO SA GESTIONI E SU FUNZIONAMENTU DE SU TZENTRU DE AGREGATZIONI SOTZIALI ANTZIANUS, MUDADURA PARTZIALI DE S' ART. 8.*

S' annu 2023, su 17 de su mesi di Friàrgiu a ora de is 10.00, in sa sala de is adunàntzias, s' est atobiau su Consillu Comunali in setziada Straordinària de Primu cunvocatzioni.

### **Sangunau e Nòmini**

Garau Beniamino  
Cabras Silvia  
Caruso Luigi  
Congiu Francesco  
Corda Silvano  
Coronas Maria Lucia  
Cugis Erica  
Demuru Efsio  
Dessi Francesco  
Dessi Giuseppe  
Frau Luigi  
Lilliu Susanna  
Magi Francesco  
Marras Gianluigi  
Melis Carla  
Meloni Gavino  
Nasca Michele  
Piano Stefano  
Piga Beniamino  
Puddu Maria Bernadette  
Serreli Rita

### **Presenti**

Eja  
Eja  
Eja  
Eja  
Eja  
Eja  
Eja  
Eja  
Eja  
Eja  
No  
Eja  
Eja  
Eja  
Eja  
Eja  
Eja  
Eja  
Eja  
Eja

**Presentis: 19**

**Ausentis: 2**

Pigant parti a s'atòbiu is assessoris comunalis: Frongia Pietro, Garone Katuscia, Solinas Marco;  
Pigat parti a sa setziada su Segretàriu Generali Sa Dotora Felicina Deplano;

---

Su Visu Presidenti de su Consillu, Piano Stefano, de chi at averiguau ca su nùmeru de is presentis est cunforma a sa lei, decrarat aberta sa setziada.

Su Presidenti de su Consillu Comunali Stefano Piano presentat s' argumentu chi fait parti de s' Agenda de is traballus po sa dii: *"DELIBERATZIONI C.C. N. 16 DE SU 11.03.2022: REGULAMENTU PO SA GESTION E SU FUNZIONAMENTU DE SU TZENTRU DE AGREGATZIONI SOTZIALI ANTZIANUS, MUDADURA PARTZIALI DE S' ART. 8."*

Sa Consillera Cabras S. acrarat sa proposta in ogetu;

Su Presidenti, de chi at fueddau sa Consillera decrarat aberta s' arraxonada cun is interventus de:

Su Cons. Piga B. chi proponit, in aciunta, aìnturu de sa modìfica de s'art. 8) un' emendamentu: a s' acabu de su primu cabuversu iat a aciungi *sa suma no podit essi prus arta cunforma a sa de su 2021*, custu poita est giustu chi s'òrganu esecutivu potzat deliberai is tarifas ma de custa manera su consillu comunali donat indiritzu a sa Giunta Comunali po chi poderit is tarifas giai in vigèntzia;

Su Presidenti apustis de nd' ai arraxonau cun sa Segretària narat ca a parri de issa etotu no si podit amiti sa proposta de su Cons. Piga, ca su Consillu Comunali no podit mudai is tarifas. A parri de su Presidenti est de mudai sa Delìbera de sa Giunta Comunali chi at aprovau is tarifas;

Cons. Piga: torrat a mudai sa proposta de emendamentu de aciungi aìnturu de sa modìfica de s' art. 8) a s'acabu de su primu cabuversu: *su cali gastu no siat superiori a su de su 2021*, de custa manera si donat s' indiritzu a sa giunta po chi no fatzat cresci is tarifas e duncas sena aumentu de su 100%;

Su Presidenti: de chi at decrarau ca est una chistioni de interessu a cumoni, serrat a manera temporànea is traballus de su Consillu po provai a agatai una solutzioni cumpartzida de totus;

Apustis de is interventus de unus cantu consillaris;

Intervenit sa Segretària Comunali;

Su Cons. Piga pregontat a sa Segretària Comunali chi sa formula noa andat beni;

Sa Segretària narat ca nono;

Intrat in àula su Cons. Frau Luigi;

Si pigat atu ca sa Consillera Lilliu nd' est bessida de s'àula;

Pigau atu de sa proposta presentada de su Cons. Piga;

Su Sìndigu liat s' impinnu, e custu at a essi s' inditu de donai a sa Giunta Comunali, de ndi bogai sa tarifa de sa manifestazioni de dantza chi at a essi a indonu po is tzitadinus de Cabuderra mentris, po is no residentis at a essi de 4 € sena aumentu perunu;

Su Presidenti, considerau ca no ddoi funt àterus interventus, serrat s' arraxonada e fait votai sa proposta de Deliberatzioni;

---

## SU CONSILLU COMUNALI

**Postu chi** cun deliberatzioni de su Consillu Comunali n. 16 de su 11.03.2022 si fiat aprovau su regulamentu po sa gestioni e su funtzionamentu de su tzentru de agregatzioni sotziali antzianus;

**Ca s' art. 8** de su Regulamentu disciplinat is modalidadis de cumpartecipatzioni a is gastus de su Comunu po s' erogatzioni de servìtzius in su Tzentru Sotziali a favori de is antzianus;

**Ca tocat a formulai torra s' art. 8**, boghendi-ndi sa parti chi pertocat sa cuantificatzioni de is cuotas de partecipatzioni a càrrigu de is antzianus, ca est chistioni de cumpetèntzia de s' Òrganu esecutivu cunforma a sa Determinatzioni de is tarifas riferidas a is servìtzius a domanda individuali, aici comentì s'ghit:

*Art.8 Cumpartecipatzioni a is gastus po permiti a is antzianus de pigai parti a is atividadis de su Tzentru Sotziali, s' Aministratzioni Comunali, ònnia annu, podit detzidi in prus de su versamentu de una cuota sotziali annuali, una cuota de partecipatzioni a is gastus de su Comunu po is servìtzius donaus. Sa pertzentuali de contributzioni po su servìtziu "Ginnàstica druci" at a s'ghiri s' indicatori Isee.*

**Torrada sceda** de poderai sa partzidura intre antzianus residentis e nono, po su chi pertocat sa determinatzioni de is cuotas de partecipatzioni a is gastus de is servìtzius frunius de su Tzentru Sotziali Antzianus;

**Arriciu** parri a favori de parti de sa responsàbili de su servìtziu po su chi spetat sa regularidadi tècnica espressau cunforma a s'art. 49, c.1 , de su D.Lgs. n. 267/2000;

**Biu** su Statutu Comunali;

**Biu** su Regulamentu de Funtzionamentu de su Consillu Comunali;

**Su Presidenti**, cun s' agiudu de is scrutadoris nominaus, fait votai sa chistioni in ogetu;

Consilleris presentis: n. 19

Cun votatzioni a totòmini cunforma a sa lei,

## DELÌBERAT

**De formulai torra s' art. 8** de su regulamentu: PO SA GESTIONI E SU FUNTZIONAMENTU DE SU TZENTRU DE AGREGATZIONI SOTZIALI ANTZIANUS, boghendi-ndi sa parti chi pertocat sa cuantificatzioni de is cuotas de partecipatzioni a càrrigu de is antzianus, ca est chistioni de cumpetèntzia de s' Òrganu esecutivu cunforma a sa Determinatzioni de is tarifas riferidas a is servìtzius a domanda individuali, aici comentì s'ghit: *Art.8 Cumpartecipatzioni a is gastus po permiti a is antzianus de pigai parti a is atividadis de su Tzentru Sotziali, s' Aministratzioni Comunali, ònnia annu, podit detzidi in prus de su versamentu de una cuota sotziali annuali, una cuota de partecipatzioni a is gastus de su Comunu po is servìtzius donaus. Sa pertzentuali de contributzioni po su servìtziu "Ginnàstica druci" at a s'ghiri s' indicatori Isee.*

**De cunfirmari** po una cumpartecipatzioni eventuali a is gastus po is servìtzius in su Tzentru Sotziali sa distintzioni intre antzianus residentis e nono;

---

**De donai** s' incàrrigu a sa Giunta Comunali de determinai is cuotas a càrrigu de is antzianus chi gosant de is servìtzios arremonaus;

**De cunfirmari**, po cantu no s'est mudau a manera crara, su Regulamentu aprovau cun deliberatzioni de su Consillu Comunali n.16 de s' 11.03.2022.